



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XXI. Completorium.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

CAPUT XXI.

Completorium.

„ *D*irectio. En iterum, Domine Deus
 „ meus, transactum vitæ meæ diem,
 „ quem mihi indulseras, ut agerem pœniten-
 „ tiam atque in virtute ac tui amore profi-
 „ cerem. Heu me! id quomodo feci? fi-
 „ nis istius diei vitæ meæ quoque finis me
 „ commonet. Tibi præsentem me hic si-
 „ stem, rationem tibi ut reddam, atque eo
 „ me in statu ut constituam, in quo mori
 „ peroptarem. Gratiam mihi istam conce-
 „ de, ut isti extremæ officii parti dignè inter-
 „ sim, ad æternam tuam gloriam, atque ut
 „ sancto fine totius diei actiones omnes con-
 „ cludam. Virgo Sanctissima, tuus honor
 „ bonam istius postremæ actionis partem
 „ constituit, quoniam in ea majori cum so-
 „ lemnitate laudes tuæ decantantur. Oro te,
 „ tuis mihi intercessionibus ut assistas.

Spiritus actionis istius in eo est, ut ad noctis
 nos quietem ita comparemus, atque crastinam
 visuri diem si non essemus. Noxas nostras
 dicendo *Confiteor* generatim agnoscimus:
 Deo specialiter nos commendamus, præcipuè
 dicendo: *In pace in idipsum dormiam & re-*
quiescam. In te, Domine, speravi &c. In manus
tuas, Domine, commendo Spiritum meum. In
 Dei fidem ac tutelam nos committimus in
 Psalmo: *Qui habitat, in Præsidium Ange-*
 lorum

lorum bonorum nos recipimus versu illo. *Quoniam Angelis suis mandavit de te & sequentibus.* Canticum *Nunc dimittis* mortis nostrae nobis memoriam refricat. Solemni ritu cantamus Antiphonam *Salve regina* vel *Regina caeli*, Sacratissimam Dei matrem orantes, ut filium suum dilectissimum nobis ex isto vitae hujus exitio commigrantibus exhibeat, dicendo: *Et Jesum benedictum fructum ventris tui nobis post hoc exitium ostende.* Benedictionem à superiore accipimus, atque aqua lustrali conspergimur, ut armis istis propugnantibus adversum invisibilia inimicorum nostrorum insultus protegamur. Veruntamen majoris momenti magisque proficua nobis actio est examen conscientiae, quod hic à quibusdam, ab aliis ante dormitionem instituitur.

CAPUT XXII.

Examen conscientiae.

DIvinus Apostolus S. Paulus Author est, quod si nos metipso accuratè dijudicaremus, severam Dei judicium effugeremus.

1. Cor. II. 31. *Si, inquit, nosmetipso dijudicaremus, non utique judicaremur.* Si nos ipsi noxas nostras æquo supplicio castigaremus, timere porrò non haberemus, ut Deus illas ulciscatur, quoniam nemo bis punitur pro eodem delicto.

Hoc adversus nos ipsos judicium quovis vespere exercemus, atque in nos sententiam pronunciamus, ubi conscientiae examen instituimus. Cujus istud est emolumentum.